



Universitätsbibliothek Paderborn

D. Ioannis Ivsti Lanspergii Carthusiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

D. Hugonis Carthusiani, Episcopi Lincolniensis laudes summatim
explicans, Hymnus LVII.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

Quam mente purgatissima
 Desumpfit in viaticum.
 Demum Bruno sanctissimus,
 Soluto mortis debito,
 Tendit velut dignissimus
 Ad caelum grandi merito.
 Efficax testimonium
 Dedere eius plurimi
 Probitatis, post obitum
 Formam scribentes rotuli.
 Quo sepulcro, miracula
 Docent ac fons qui oritur,
 Quod Bruno hic in patria
 Perenni fonte pascitur.
 Eia pater dulcissime,
 Spes suspirantis animæ,
 Vt viuamus rectissime,
 Normam virtutis imbue.
 Trino tonanti &c.

Ad Completorium.

Hymnus LVI.

O Pastor pio oculo
 Gregem tuum considera,
 Renunciantem seculo,
 Teq; sequentem adiuua.
 Doce tuos clientulos
 Religionis tramitem,
 Spirituq; fac feruidos,
 Vt bene feruent Ordinem.
 Tua sancta vestigia,
 Ac calles penitentia,
 Virtutum bona studia
 Da sectari continuè.
 Vt quando Iudex omnium
 Venturus est in nubibus
 Iudicare hoc sæculum
 Collocemur cum ouibus.
 Ac si post has miseria,
 Vt sequaces legitimos
 Supra sedes sydereas
 Prouehas tibi deditos.
 Trino tonanti gloria
 Sit, qui Brunonem inclysum,
 Posita carnis sarcina,
 Prouexit ad empyreum, Amen.

Diui Hugonis Carthusiani, Episcopi Lincolniensis laudes summatim explicans, sub nota: Exulter Coelum laudibus; vel Iesu Corona Virginum,

Hymnus LVII.

Exulter nunc deuotio,
 Sanctorum chorus iubilet
 Eremitiq; religio
 • Hugo tibi tripudiet.
 Tu mundum puer respuit,
 Tu feruens Christum diligis,
 Carthusiam te recipis,
 • Sacri decus es Ordinis
 Tu sacerdotum gloria,
 Tu Monachorum claritas,
 Tegens elegit Anglica,
 Vt Præsul salues animas.
 Tu regibus victoria,
 Tyrannis eras malleus.
 Nam tristium miseria
 Cor tuum torfit funditus.
 Te castitas gloria
 Pudicum cingit virginem,
 Te Præsulum aureola
 Doctorem ornat vigilem.
 Te chorus tenet Martyrum,
 Qui nudis stas sub ensibus,
 Dum minas rides hostium,
 Opponens te crudelibus.
 Sic execraris munera,
 Quo Christo mundus viuere,
 Regum spernens conuiuia
 Vt sepelires pauperes.
 O pater beatissime
 A Christo nobis impetra,
 Vt semper deuotissime,
 Eius viuamus gratia, Amen.

De Eodem alius sub nota. A Solis ortus; aut, Audi benignè Conditor.

Hymnus LVIII.

Iesu Rex clementissime,
 Quod innocenter viuere
 Hugoni das sanctissime,
 Te laudo teq; prædico.